



REPUBLIKA E KOSOVËS

KUVENDI I KOMUNËS-VUSHTRRI

**PROCESVERBAL
NGA MBLEDHJA E JASHTËZAKONSHME E KUVENDIT TË KOMUNËS SË
VUSHTRRISË, MBAJTUR MË 14 PRILL 2022**

Mbledhja është mbajtur në sallën e Kuvendit të Komunës së Vushtrrisë duke filluar në orën 10:15.

Në këtë mbledhje ishin të pranishëm anëtarët e Kuvendit të Komunës së Vushtrrisë:
Adnan Lahu, Agim Bregaj, Agron Përçuku, Alban Bajrami, Ali Januzi, Arlind Gogolli, Behar Duraku, Bekim Zabërgja, Blerina Shala, Bujar Pllana, Edona Gashi, Fakete Dushi, Fatmire Cecelia, Faton Hyseni, Galip Audiu, , Gresa Muli Ilmi Azemi, Kushtrim Hyseni, Leonora Gërguri, Lorik Maxhuni, Melihate Basholli-Latifi, Mensur Kasumi, Mensur Kastrati, Mentor Hasani, Nuri Halili, Nurten Çerkezi-Gjyshinca, Refik Maloku, Spasoje Stefanoviq, Sylejman Mehulli, Ymer Haradinaj dhe Zojë Hajrizi.

Munguan: Gentiana Rama, Shkelzen Xhaferi, Nasuf Aliu dhe Mek Selaci.

Mbledhjen e hapë dhe e kryesoi Melihate Basholli-Latifi, – kryesuese e kuvendit, e cila konstatoi se në sallë janë prezent 31 anëtarë të kuvendit, kuorum ky i mjaftueshëm për zhvillimin e punimeve të mbledhjes plenare dhe për marrje të vendimeve të plotfuqishme, andaj procedoi me rendin e ditës.

Të pranishëm në këtë mbledhje ishin edhe Kryetari i komunës, z. Ferit Idrizi, nënkryetari i komunës z. Shpëtim Zhegrova, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile.

Pas shqyrtimit të rendit të ditës , kuvendit pas votimit me 24 vota “për” 4 vota “kundër” aprovoj këtë:

R E N D I T E

1. Shqyrtimi i Propozim-vendimit për bartje të të hyrave vetanake buxhetore nga viti 2021 në vitin 2022;
2. Shqyrtimi i Propozim-vendimit për plotësim të vendimit për caktimin e lokacionit për ndërtimin e Tregut të Gjellbër për prodhime vendore në Vushtrri.

1. Shqyrtimi i Propozim-vendimit për bartje të të hyrave vetanake buxhetore nga viti 2021 në vitin 2022;

Melihate Basholli-Latifi, kryesuese e kuvendit- tha se meqë jemi në seancë të jashtëzakonshme vazhdojmë me votimin për rend dite, duke shtuar se hapim rendin e ditës me pikën e rendit të ditës për bartje të të hyrave vetanake nga viti 2021 në vitin 2022.

Ilmi Azemi, anëtar i kuvendit - tha se lidhur me propozimin për bartje të mjeteve vetanake, kërkoi të sqarohet çështja e hartuesit, meqë hartues paraqitet të jetë Abit Abiti- zyrtar kryesor financiar, kurse nënshkrues dhe raportues drejtori i buxhetit, pasi kjo nuk është në harmoni me Ligjin për procedura administrative. Pastaj tha se drejtorët janë staf politikë dhe në bazë të statutit i kanë gjithë kompetencat, por jo zyrtarët ose ZKF nuk mund të adresojnë shkresa në kuvend, dhe për këtë kërkoi mendim edhe nga zyra ligjore. Tutje tha se vitin e kaluar kemi marrë vendim për subvencionimin e klubeve futbollistike, shoqatave dhe OJQ-ve, vlera e tyre është 200.000 euro, i njëjti ka mundur të aprovohet vitin e kaluar dhe mjetet mos të shkojnë në suficit dhe mos të barten obligimet, mirëpo mungesa e llogaridhënies dhe përgjegjësisë kanë ndikuar që buxheti të ketë suficit vitin e kaluar, si dhe mosaprovimi i vendimeve të kuvendit. Pastaj tha se Drejtorja e Buxhetit nuk e ka kryer obligimin e vet që ka pas dhe e ka dëmtuar buxhetin në ç' rast po na barten obligimet, kështu që kërkoi të merren masa për secilin në mënyrë individuale për moskryerjen e punëve konform përgjegjësisë që i ka. Mandej tha se në këtë legjislaturë janë anuluar shumë vendime, e të cilat i konsideron se janë anuluar pa bazë, dhe ekziston rreziku për të gjithë ata që kanë pas marrëdhënie kontraktuale me komunën ose kanë qenë para kualifikimit do të shkojnë tek përmbaruesi, kështu që i kërkoi të gjitha vendimet e anuluar që t'i sjellen në kopje fizike dhe se ku ka qenë qëllimi i anulimit dhe rrezikimit të buxhetit në këtë formë, duke shtuar se nëse rrezikohet buxheti, përgjegjësia do të jetë individuale. Ai propozoi që për vlerën 200.000 euro të dakordohemi dhe të kryhet pagesa për projektet që janë të cekura në këtë propozim-vendim. Qëllimi i çdo buxheti në çdo qeveri është zhvillimor, edhe pse qeveria ka bërë një punë dyditore dhe këtu ai tha se nuk shoh ndonjë projekt të zhvillimit të qytetit dhe ekonomisë lokale, e që është dashur një konsultim me deputetët. Ai kërkoi që të shtyhet votimi dhe të rishikohen nevojat dhe interesat e qytetarëve dhe jo të drejtorive sepse nuk mund të arrijnë asgjë me këtë shpërndarje.

Ferit Idrizi, Kryetar i komunës – kërkoi të respektohet Rregullorja e kuvendit për shkak të minutazhës.

Adnan Lahu, anëtar i kuvendit – tha se kjo pikë e rendit të ditës po sjellët me urgjencë, e cila ka mundur të sjellët në mbledhjen e rregullt të muajit mars, kur keni pasur mjaft kohë për t'u përgatitur dhe tani po e sillni në mbledhje të jashtëzakonshme të papërgatitur mirë. Tutje tha se në një pikë janë të përmbledhura dy vendime e që është dashur të jenë dy pika të rendit të ditës, dhe në forma të ndara. Së pari duhet të jetë vendim për shpërndarjen e hyrave të tejkaluara për vitin 2021 dhe vendim për bartjen e të hyrave të pashpenzuara për vitin 2021 dhe të hyrave të tejkaluara të vitit 2021. Andaj nëse nuk i ndjekim këto procedura edhe ky vendim do të kthehet prapa në kuvend, sikurse vendimet tjera për buxhetin. Tutje shtoi se para se të sillen në kuvend duhet të konsultoheni me zyrtarë profesionistë të drejtorive e jo të sillen vendime të marra në ekskursionet. Pastaj shtoi se preambula e vendimeve është e thirrur gabim, thirret në Ligjin për buxhet 07/L-001 2020, e që duhet të jetë Ligji i buxhetit 07/L-041 2021, andaj kthimi i këtyre vendimeve për disa herë në kuvend do të ndikojë në performancën e kuvendit dhe do të ndikojë në grantin e performancës e që komuna jonë ka qenë në krye të komunave për këtë grant. Në fundi ai kërkoi që të shtyhen këto pika të rendit të ditës për seancën e rregullt meqë është material i papërgatitur, si dhe pyeti se sa i ka kushtuar buxhetit të komunës kjo vizitë e zyrtarëve në Shqipëri.

Ferit Idrizi, Kryetar i komunës - tha se vizitat në Shqipëri kanë kushtuar 675 euro për 27 persona, dhe e gjithë puna ime do të organizohet në grupe, në ç'rast nuk ka mundësi të punohet në rregullore dhe dokumente tjera nëpër zyra. Tutje tha se si ekzekutiv kemi të drejtë t'i sjellim propozimet në kuvend dhe ju vendosni për votim, kurse sa i përket nënshkrimit të materialeve tha se zyrtarët janë në dijeni se ku e vendosin nënshkrimin, përndryshe secili do të ndëshkohet për mospërgjegjësi. Për dy pikat e rendit të ditës tha se i kemi sjellë në kuvend në mënyrë që të debatojmë sepse janë projekte nga mjetet e bartura dhe ju jeni ata që vendosni për votim.

Adnan Lahu, anëtar i kuvendit - tha se unë e ceka gabimin tek preambula dhe forma e sjelljes është gabim, sepse duhej të vinin dy vendime të ndara dhe jo kështu pa renditje dhe gjithashtu të sjellën në seancë të rregullt.

Sylejman Mehulli, anëtar i kuvendit – tha se në lidhje me seancën e jashtëzakonshme kërkoi nga qeveria të jenë më kompetitiv, në mënyrë që pikat që janë të planifikuara për seanca të rregullta të mbahen dhe të përfundojnë në seancë të rregullt. Në lidhje me materialin dhe pikat për bartje të të hyrave dhe shpërndarjen e tyre, tashmë në disa seanca nuk po na vijnë të përgatitura në konditat ligjore dhe kjo sikur po bëhet rutinë, në ç'rast pyeti se kjo mospërgatitje e duhur e materialeve a është nënçmim ndaj kuvendarëve apo paaftësi e tyre që i përgatitin. Tutje ai iu referua dhe fjalimit të z.Azemit i cili tha se këto projekte nuk janë zhvillimore për qytetin, por dilemat ishin se kujt t'i besohet, qeverisë apo përfaqësuesit kuvendar të PDK-së dhe kërkoi të sjellin argumente për ato projekte që nuk janë zhvillimore, si të bëhen zhvillimore.

Galip Avdiu, anëtar i kuvendit – tha se kam një kërkesë, ka një numër të madh të studentëve vushtrias që studiojnë jashtë vendit, dhe nga mjetet e bartura të ndahet një shumë për këta studentë, të ndahen 10.000 euro nga ndërtimi i rrjetit të ujësjellësit në fshatin Pasomë, meqenëse nuk është bërë ende studimi i fizibilitetit. Kjo shumë do të ishte një ndihmë e kënaqshme dhe përkrahje për vendin.

Shpëtim Zhegrova, nënkryetar i komunës - sa i përket sqarimit që e kërkoi z.Ilmiu tek rasti i subvencioneve, që është vendimi me 200.000 euro me vitin e kaluar, ndërsa sa i përket planifikimit të buxhetit kanë qenë 130.000 euro te subvencionet tek Drejtoria e Kulturës, kurse me të hyra të bartura janë planifikuar me 30 plus, që i bie 160.000 euro, dhe pjesa tjetër do të mbulohet nga subvencionet tek Zyra e kryetarit ose me rishikim të buxhetit, kështu që ajo shumë do të mbulohet tërësisht prej atij vendimi, ose do të harmonizohet bashkërisht në njërin nga seancat e kuvendit ky vendim.

Ferit Idrizi, Kryetar i komunës – tha se bëhet fjalë për vlerën për investime kapitale për 260.000 euro, është gabim tek fshati Pasomë, meqë nuk ka qenë fjala për ndërtimin e rezervuarit të ujit, por për kodrat e fshatit Skoqne dhe bashkë me kompaninë e ujësjellësit në shumë takime që kemi mbajt, prioritet e kemi sigurimin e ujit të pijes për qytetarë dhe kemi planifikuar të bëjmë një rezervuar për shkak se fshatrat e pjesës lindore, si: Pasoma, Tërllobuqi, Dumnica, Sfarçaku i Epërm, Studime e Epërme, një pjesë e Samadrexhës, Cecelisë, Sllakocit dhe Stanocit të Epërm do të kenë probleme, por arsyeja pse mjetet kemi dashur t'i shpërndajmë nëpër projektet tjera është se fillimisht e kemi iniciuar studimin e fizibilitetit, meqë shtrirja e rrjetit të ujësjellësit nga fabrika është bërë pa studimin e fizibilitetit dhe tani po kemi pasoja në terren. Tutje tha se do ta bëjmë studimin e fizibilitetit në mënyrë të detajuar dhe këtë vit është e pamundur edhe të bëhet studimi i fizibilitetit, të hartohet projekti dhe të fillojë zbatimi i tij, prandaj tha se e sheh si të arsyeshme që në kodrat e fshatit Skoqne të ndërtohet rezervuari, të mbushet me pompa, dhe kështu eliminohen shumë sisteme të pompimit që janë paraparë. Kjo është arsyeja e ridestinitimit të 60.000 eurove, kurse 55.000 euro kemi menduar t'i dërgojmë në subvencione, si dhe ndërtimin e një shkolle në fshatin Gllavatin, sepse është shkollë në gjendje të keqe. Aty ka mjaft nxënës meqë është mbyll

shkolla tek Berishtë, dhe pasi edhe në fshatin Stroc ekziston shkolla e mesme e ulët, do të bëjmë një ndarje nga shkolla e mesme e ulët dhe shkolla fillore. Tutje tha se 90.000 euro kemi menduar për investime në QMF në dalje të Vushtrrisë, për zyra administrative dhe një rregullim dhe shumë e bursave për studentë në vlerë në 10.000, dhe kjo është shuma prej 260.000 euro që e kemi planifikuar për ndarje, këto janë vetëm propozime dhe bashkërisht do vendosim.

Adnan Lahu, anëtar i kuvendit- tha se projektet nuk janë që sjellin zhvillim, me përjashtim të ndërtimit të një shkolle, buxheti në tërësi është shpenzues. Ai prapë ceku gabimet teknike dhe preambulën e vendimeve dhe kërkoi që këto vendime të sjellen për seancën tjetër. Sa i përket vizitës në Shqipëri ai tha se sipas informatës janë shpenzuar 3000 euro dhe ju e keni cekur një shumë më të vogël dhe po ashtu kërkoi raport për këtë çështje.

Ferit Idrizi, Kryetar i komunës – tha se çdo shpenzim do të dalë në pasqyrë të raportit, duke bërë një krahasim dhe duke cekur shpenzimet e karburanteve të ish- qeverisë për një afat tremujor nga 8651 km në 3700.

Refik Maloku, anëtar i kuvendit – tha se në plan e pash ndërtimin e rezervuarve, sipas asaj së pari bëhet studimi i fizibilitetit dhe disa vite procedurat e ndërtimit, dhe ne e dimë se në shumicën e pjesëve janë vendos orët edhe kyçja individuale. Në luginën e “Lumit të Kuq”, mjafton një pompë, shembull në Pestovë vendoset një pompë dhe kjo i furnizon gjitha ato pjesë në luginë, e cila e kryen funksionin dhe nuk kemi arsye të presim 4 vite.

Ferit Idrizi, Kryetar i komunës- tha se ne do të fillojmë tani me sistemin e pompimit derisa të përfundojë projekti në fjalë.

Fatmire Cecelia, anëtare e kuvendit – pyeti kryetarin se jeni zotuar se klubi i futbollit do të subvencionohet me 100.000 euro dhe tha se, sa e pash në Drejtorinë për Kulturë dhe Sport, janë vetëm 140.000 dhe sa mjafton kjo shumë për klubet tjera, organizatat tjera rinore, kulturore, përderisa jeni zotuar se do të subvenciononi klubin e futbollit me 100.000 euro dhe pse nuk keni nda më shumë mjete për këto kategori. Lidhur me ndërtimin e sallës në objektin e komunës, ajo pyeti se për çfarë shërben kjo sallë.

Ferit Idrizi, Kryetar i komunës - tha se për subvencionet e kategorive sportive dhe rinore do të vendosim bashkërisht, kurse sa i përket sallave ai tha se janë të domosdoshme meqë ka drejtori që janë mbingarkuar nga dokumentacioni dhe duhet krijuar kushte më të mira për zyrtarë.

Sylejman Mehulli, anëtar i kuvendit - tha se ju jeni zotuar që do ta subvenciononi klubin e futbollit me 100.000 euro, kurse tani nuk dihet a do t'i kemi 100.000 për të gjitha klubet, duke e shprehur mirëkuptimin për përkrahje, por duke iu përmbajtur zotimit të dhënë nga ana e kryetarit. Tutje tha se tek kategoria 3 subvencione dhe transfere, kodi 73033, administrata, shuma 110.000, sa ka njohuri tha se kjo drejtori nuk ka pas subvencione në të kaluarën dhe ai kërkoi sqarime për destinimin e këtyre mjeteve. Kurse sa i përket sallës kërkoi për sallën e kuvendit t'i rregullohet zërimi, ulëset dhe tavolinat meqë nuk mjaftojnë as për shpalosjen e materialit, si dhe votimin elektronik.

Shpëtim Zhegrova, nënkryetar i komunës - tha se ne po mundohemi që në bashkëpunim me kryesinë të jemi në superligë në 100 vjetorin e themelimit të klubit dhe kërkesë e tyre ka qenë ndarja e mjeteve, ndërsa në bisedë e sipër me klubin kemi bërë një planifikim dhe kemi nxjerr shpenzimet dhe kështu jemi munduar që për këtë vit t'i mbulojmë shpenzimet e lojtarëve dhe po ashtu kemi arrit dakordancë me një pjesë të kompanive për ta subvencionuar klubin dhe ajo po vazhdon, meqë buxheti nuk është lejuar ende dhe pagesat nga komuna për lojtarë nuk janë kryer dhe i siguroi që këto mjete për klubin do të ndahen. Sa i përket sallës së kuvendit tha se është e planifikuar me buxhet votimi elektronik dhe zërimi, kurse sa i përket tavolinave është e pamundur

për shkak të limiteve buxhetore për këtë vit, ndërkaq pyetjen për administratë në shumën 110.000 euro fjalën ia kaloi Abit Abitit.

Abit Abiti, ZKF – tha se i kemi përgatit materialet me ndryshime, kurse për shumën e cekur në administratë tha se kemi planifikuar shpenzimet e varrimit, dhe me ndryshime i kemi paraparë për Drejtorinë e Shërbimeve Publike, ku sqaroi se nuk janë në administratë komunale, por janë në administratë të shëndetësisë, dhe në konsultim me menaxherët jemi dakorduar t'ia bartim DSHP-së.

Ilmi Azemi, anëtar i kuvendit- tha se po shihet se qeveria nuk i ka të qarta vijat buxhetore, të cilat vet i ka prezantuar, duke i kritikuar për materialet me ndryshime dhe kërkoi që kjo pikë të shtyhet dhe të analizohet në mënyrën meritore dhe shumë e kompletuar kish me dal kur të punohet bashkërisht dhe të caktohen prioritetet meqë nuk është pikë urgjente.

Sylejman Mehulli, anëtar i kuvendit- tha se nuk janë në rregull materialet e ardhura sepse diçka tjetër kemi para vetes dhe diçka tjetër votojmë, duke shtuar se nuk guxojnë të ndryshojnë kodet buxhetore pas votimit në kuvend. Tutje porositi kryetarin ta gjejë problemin e hallkës së buxhetit lidhur me planifikimet, meqë siç e ceku ai nuk qëndron problemi tek zyrtari financiar ku kërkoi që kjo pikë e rendit të ditës të shtyhet.

Adnan Lahu, anëtar i kuvendit - kërkoi të shtyhet kjo pikë e rendit të ditës.

Ymer Haradinaj, anëtar i kuvendit – tha se kur është propozuar buxheti në muajin janar, kishte propozuar që të ndahen 40.000. euro për meremetimin e ish-objektit të shkollës “Migjeni”, e cila i është dhënë një kompanie dhe ka qenë zotim i kryetarit të komunës për ndarjen e këtyre mjeteve nga mjetet vetanake të komunës dhe tani po e shoh se po mungon në tabela dhe kërkoi të futet në tabelat e cekura. Tutje kërkoi sqarim nga zyra ligjore se a duhet të jenë të ndara vendimet dhe sipas opinionit të zyrës ligjore t'na vijnë të përgatitura në mbledhjen e ardhshme.

Bekim Zabërgja, anëtar i kuvendit – tha se këtu i kemi dy pika të rendit të ditës dhe ju i keni futur në një pikë, e në realitet duhej të ishin tri pika të rendit të ditës. Tek bartja e mjeteve të të hyrave vetanake nga viti 2021 në vitin 2022 tha se materialin e kem para vetes dhe janë të specifikuara në kategori dhe kushdo që ka vërejtje, sugjerime mund të japin këshilla dhe kjo mund të bëhet e plotfuqishme dhe nuk lë arsye për shtyrje në seancën tjetër.

Melihate Basholli – Latifi - tha se kjo pikë e rendit të ditës do të shtyhet për një seancë tjetër, meqë 18 vota janë “për”, një “kundër”, tjerat abstenim.

Në fund të debatit lidhur me këtë pikë të rendit të ditës, kuvendi pas votimit në mënyrë “unanime” vendosi që kjo pikë të shtyhet për mbledhjen e ardhshme.

2. Shqyrtimi i propozim-vendimit për plotësim të vendimit për caktimin e lokacionit për ndërtimin e tregut të gjelbër për prodhime vendore në Vushtrri;

Ferit Idrizi, Kryetar i komunës – tha se në seancat tjera kemi marrë vendim për caktim të lokacionit të taksitë, por e kemi sjellë një alternativë tjetër për tek shtëpia e Mahmut agë Gjinollit, mosvendosjen e lokacionit që në fillim tek shtëpia e Mahmut agë Gjinollit e arsyetoi sepse 6 ari tokë në atë pjesë duhet të bëhet shpronësimi nga KEK-u.

Ilmi Azemi, anëtar i kuvendit- tha se edhe ky propozim është proceduar në formë joligjore për arsye se nuk mund të bëhet plotësim–ndryshimi me prona tjera, nëse vendimi ka lëshime që është votuar në kuvend për pronat e votuara, mund plotësohet dhe të votohet prapë, kurse ky është dashtë të vijë si propozim –vendim i ri ose anulim i propozim-vendimit paraprak. Tutje tha se kemi të bëjmë me pronë private të KEDS-it, që në këtë rast mund ta votojmë nëse është në

marrëveshje kontraktuale me KEDS –in për marrje me qira, ndërsa nëse mendohet të bëhet me shpronësim janë procedura tjera.

Adnan Lahu, anëtar i kuvendit - tha se edhe kjo pikë është sjell gabim në kuvend pasi nuk është i qartë vendimi se çka kërkohet, duke shtuar se nëse propozohen lokacionet që janë në këtë vendim, ose parcela në fjalë, atëherë duhet të vjen si propozim i ri për caktim të lokacionit dhe është parcelë e vogël dhe gjysma nuk i takon komunës.

Sylejman Mehulli, anëtar i kuvendit - tha se për ndryshim të lokacionit nga vendimi paraprak tha se kjo është mbivendosje dhe nuk mund të mbivendoset, kur janë dy pozicione të ndryshme territoriale gjeografike në qytet. Tutje nuk është pozicioni i duhur pasi aty është investuar, është ndërtuar një park, një shëtitore, dhe të shkatërrohet ky investim dhe të shndërrohet në diçka tjetër kjo është e papranueshme dhe qasje jo zhvillimore. Andaj propozoi që kjo pikë të shtyhet për ndonjërin nga seancat e radhës që kjo temë të analizohet mirë duke gjetur edhe ndonjë lokacion tjetër më të përshtatshme dhe që i plotëson kushte për një destinim të tillë. Duhet pasur ndonjë ide më kreative dhe për të cilën do ta kenë përkrahje edhe të grupit të tyre kuvendar, dhe vlerësoi se nuk është në rregull caktimi i lokacionit tek vendi i quajtur “Shtëpi e Mahmut Agë Gjinollit” duke u shkaktuar parku, hapësira gjelbërues dhe hapësira rekreative që janë ndërtuar aty.

Ferit Idrizi, Kryetar i komunës –sqaroi se lokacioni i propozuar për treg tek ish-Ambulanca e vjetër, ka qenë vetëm një opsion shtesë që është menduar një sipërfaqe prej 18 ari që do shërbente si treg për prodhues vendor, por nëse vlerësoi si i papërshtatshëm atëherë letë shkohet me lokacioni i cili veç është caktuar më herët. Është menduar si opsion i mirë dhe ideja ka qenë që sipërfaqja prej 6 ari ti merret KEDS-it, duke shpallur si zonë me interes për komunën dhe që më vonë të bëhet shpronësimi i asaj parcele nga komuna për që fillimit nevojite vendimi i kuvendit të komunës. Në fund të diskutimit kryetari i komunës i ftoj të gjithë anëtarët e kuvendit që jeni pjesë e një iftari i përbashkët në hotel-restorant Amazona për nderë të muajit të shenjët të Ramazanit.

Në fund të debatit lidhur me këtë pikë të rendit të ditës, ishte konkluzioni i përgjithshëm që derivoj nga diskutimet e anëtarëve të kuvendit që kjo pikë e rendit të ditës të mos aprovohet.

Mbledhja përfundoj në ora: 11:35.

Bastri Duraku



Procesmbajtës

Melihate Basholli-Latifi



Kryesuese e Kuvendit